

襄陵縣志卷之四

山川

名山巨川固以別封域之分區亦以標邦國之勝概况  
貨財灌溉之利于是乎在至藐姑平水千古膾炙人口  
登臨吟眺為風雅之助者烏可無志

卧龍山

在縣東南四十里其巔有塔一名崇山又名太  
尖曰卧龍者隋時有千尺大蛇卧於其上故名  
今廟前古松一株大十餘圍高百餘尺枝葉扶疎如  
蓋蔭可數畝又古栢一株內抱槐亦大數圍皆千百  
年物也

姑射山

在縣西十二里三嶝山之北以姑射仙人故名  
莊子所謂神人居焉者

襄陵縣志

卷之四 山川

平山

姑射分支其山下出泉派分十二官河灌臨襄  
二縣民田建祠崇祀勅封為平水泉之神即今

之龍  
子祠

龜山

在縣東三十五里卧龍山之北突然高起其形  
似龜故名

三嶝山

在縣西南三十里上有龍王祠巍然獨高其形  
三嶝

喬山

在縣東南四十五里山形峭峻奇峯如削黃帝  
葬衣冠處今有軒轅廟

九龍山

在縣西南三十五里三嶝山之南其山脊有九  
曲故名

盤龍山

在縣西南三十里山勢盤繞有龍狀

壽星山

在縣東南四十里俗名南岱扁曰喬嶽飛峯

少石山

在龜山後有石洞相傳為子房辟穀處旁有黃  
石公祠

焦石嶺

在縣西一十七里其石皆紫黃色上有龍王神每禱雨輒應

分水嶺

在縣東南四十里龜山之西南北長二十餘里

石牛嶺

在縣東北支山世傳李耳過此牛卧地化石今其石色青形如牛

摩雲頂

在盤龍山之旁知縣宋之韓於其上建真武殿

龍泉頂

崇山之支高阜處有石泉水味清冽溽夏人日飲之不涸

龍開峪

在縣西南二十里中有龍澍神祠世傳曾有雙龍開此故名

華池峪

在縣西一十五里中有石洞遇歲旱滴水如珠即雨

仙人坡

在安李村西南相傳赤脚大仙至此今石上足跡深四寸許俗呼為神仙脚

狼尾坡

在縣西南三十五里三燈山之南多石燈

襄陵縣志

卷之四

山川

二

赤土坡

在縣南一十里東柴村南其土皆赤故名

白石坡

在縣西南三十五里山徑崎嶇人罕至寧治十三年知縣李高開廣為大路通隰州等處商棧

便之本縣教諭劉彛有記

柳溝坡

在縣東二里汾渡之東岸

蕭公堤

係汾河西岸舊時苦水勢衝圯萬慶間知縣蕭大才砌石為長堤民咸德之邑人王應吉撰碑

記題曰蕭公堤

國朝康熙四十七年知縣宋繼均重修邑人邢以愨有碑記

白崖

在趙曲東南高阜處建文昌閣地形崿峭樹色蒼葱為鎮之文巒

平水

在縣西北十五里平山下

汾水

在縣東一里其源出靜樂山經臨汾流入縣境南逾太平至滎河入於河

晉水

在縣治屏霍門外其源出姑射山東入於汾

三交水

在縣東南三十里其源出崇山至興光村西合鄧梁二水為三波紋濼遠因名

巢溪

在縣東南三十里即三交水西注至荆村入於汾世傳巢父洗耳處又名洗耳河又名穎水旁

有土阜名箕山

石盆溝

在龍泉頂畔巨石如盆形內澗水常盈人莫見其泉源雖盛暑大旱不涸

九龍溝

在縣西南三十五里九龍山之麓

二郎溝

在縣南二十里有二郎神祠及雲幽洞邑人范晟有記

南澗

在縣南三十九里京安鎮南接太平縣故城界舊有石橋於嘉靖二十一年值大水衝圮隆

襄陵縣志

卷之四 山川

三

慶二年知縣宋之韓砌以磐石永為往來利云

八眼井

在縣西薛村里世相傳趙宋時村之人加姓晉姓者謀鑿井准麻忽白衣老人指之曰離此西

南一畝許可鑿而得水少焉白衣不見二人遂於所指之地鑿井一眼魚水再鑿亦魚鑿至八眼水方出其先鑿水亦出焉

遂通流為八眼

蒲水井

在縣東南十里魚池村一在縣東南四十里張相村其水長溢流於外夏月尤盛

丹朱泉

在縣西南景村世傳丹朱揮劍於此拔而得水故名

娥英泉

在縣西南薛村里世傳娥皇女英遊於此

繫瀧泉

在縣西南浪泉村又名圓河

灰泉

在縣北二里泉底皆灰淘之不盡其水清冽異

松月泉 在屏霍門外晉松東石屏下

靈泉 在縣東溫泉村其泉平地湧出漚而為池雖旱

不乾雖澇不溢鄉人以為靈異

飲虹澗 在縣南二十里上有飛虹橋下通二即溝邑人刑雷有記

形勝 附 東依崇山西據姑射汾流經其中 見山西通志

左障汾流右憑姑射前收晉絳之雉後擁洪霍之固村

墟鱗次土沃風饒 見平陽府志

南瞰絳稷之墟北憑霍嶽之雉 見舊志

十景 附

襄陵縣志

卷之四 十景

四

晉橋梅月 晉橋在屏霍門外其勢蜿蜒長跨南北傍橋

酒樓三五橫斜舊傳仙客過飲題梅月於壁梅影月色倒映清泉殊為勝蹟今凭欄俯瞰溪聲漱玉猶有翛翛仙風

三磴雲峯 山形峭立高出雲表緣級而登儼若身依霄漢其間雲生多雨昔人有未雨先占嶺上雲

句之

卧龍靈應 龍神祠隱深隈山勢旋抱一逕迤邐曲通祠前橡林蒼蔚異鳥羣喧一值其下令人輒欲

十且坐卧歲旱邑人及鄰封禱雨響應

汾流晚渡 汾流遠城東郭石堤環帶柳陰夾岸夏秋綠濤瀾翻晚霞流照而四圍山色如黛如螺行

人儼在畫圖之中

巢溪春漲 巢溪環箕山之下溪旁碧草鋪茵綠楊垂線水中石子如鱗而濕漉細響帶之耳根清

飛虹雨霽

城南孔道橋曰飛虹其地兩岸陡絕淵深百尺橋木荒虛橫架支柱互倚莫辨樹鑿痕上覆通閣巍峩宏敞有雨捲雲停蜿蜒行空之狀世傳魯公輸氏所構想以其巧故云

龜山晴雪

山脊聳起石紋橫織古栢叢生綠翠如毡凌晨雲烟堆嶺日光掩映望似霏霏玉屑躋嶺俯覽諸村堡歷落綦置而汾流僅一衣帶可稱巨觀留侯憩息其間洵有取爾

平水拖藍

平水發源姑射之麓其泉皆蜂洞蓮房瀆之斯出穿澗逶溪千派萬壑悉成錦紋綺縠所云水向石邊流出冷若爲此境言也

龍澍雙闕

域內勝槩不險不奇茲雙闕高峙嶽嶠洞豁儼似閭闔對列令人不敢逼眎昔有謂二龍盤旋其上時見石髓靈液浸漬壁間如此韞奇含珍自應符合非可坪爲幻說

十里荷香

郭外迤邐而南泊柳林一帶蛙蛙水町聯絡如倉版夏月芰荷盛開紅粉散錦綠葢擎珠

襄陵縣志

卷之四

十景

行人徜徉其旁香風襲裾卽謂之北地西湖亦無不可

渠汧津梁 附

南橫渠

在縣西南五里其源出平水泉灌本縣東柴等里田二十三頃有餘俱東入於汾

中渠

在縣西南二里源出平水泉灌本縣崇仁坊等田一十七頃有餘

高石河

在縣北二里其源出平水泉灌本縣北水閣等里田七頃四十餘畝東入於汾

李郭渠

在縣北二里源出平水泉灌本縣廣智坊等田一十頃有餘

沙渠

卽練溪泉在縣南三十五里接太平縣界灌本縣劉村等里田二百餘畝東入於汾

賈朱汧

在縣南三十五里其水出鄉寧豁都峪灌賈朱等村田七百餘頃

洞子汧

在縣南三十五里其水出鄉寧豁都峪汧舊壅塞治十四年夏知縣李高令疏通之灌賈朱

等村田四十餘頃

西王河 在縣西南四十里水出自豁都峪灌西王等村田五百餘頃

關良河 在縣西南四十里其水出鄉寧豁都峪灌京安等田八百餘頃其下流司馬等村河經官路植

大水崩陷宏治十四年知縣李高令築堤堰水利遂通

馮溝河 在縣東南二十五里其水出浮山縣界灌趙曲等里田六百餘畝宏治二年知縣張文佐令加

疏通後歲久壅塞嘉靖三十八年知縣侯廷柱復加疏濬建橋民深利之立祠志德吏部文選郎中王與

齡有記

阡陌河 在縣東南三十里其水出龜山下灌小郭南梁鄧庄等村田

雀水河 在縣南三十五里其水出三磴山後灌北成等里田三百餘畝宏治十四年知縣李高就上構

襄陵縣志

卷之四

渠河

橋往來便之

焦家峪河 在縣東南五十里其水出卧龍山灌陶寺等村田五百餘畝

長泊澗 在縣東南二十五里其水出浮山峪灌南梁西梁等村田

牛角河 在縣東南二十五里其水出浮山峪灌南梁等村田

小石澗 在縣東南三十五里其水出龜山峪灌西鄧戶等村田六百餘畝

晉橋 在縣治北屏霍門外宋嘉祐六年建嘉靖年知縣趙希益覆以過亭衛以邊欄舊橋邊酒家有

梅月之景萬曆癸丑水漲衝毀甲寅知縣馬逢臯重修有碑記順治九年加通廟杰然偉觀邑人喬堯仁

有記

高石橋 在縣北二里接臨汾縣界

飛虹橋 在縣西驛店村元至大中建正統五年知縣引  
李重修弘治十一年知縣李高疊加補葺邑人

有記

龍飛橋 在縣西南龍湖峪元貞二年建

飛山橋 在龍湖峪隆慶元年知縣宋之韓建

遺愛橋 在縣東南鄧庄元大德六年里人鄧貞等建世  
清晉御依管建此名愛橋後知縣李高重修改

名遺  
愛橋

汾濟橋 在縣東郭村渡 治十二年秋知縣李高因汾  
渡冬橋襄舟歲費百鎰乃架木跨岸為高橋人

不病涉歲久浸壞天啟元年知縣衛先範復倣前制  
建善以橋有碑記可為永利惜後廢迄今仍以木架  
橋知縣趙懋本心甚惻其  
費議欲捐俸為浮橋詩

襄陵縣志 卷之四 渠河

通惠橋 在縣南四十里永安鎮 太平境 治五年知  
縣張珩創建橋北有樓 治十四年夏大水種

北知縣李  
高壘修

郭村渡 在縣東二里

北陳渡 在縣東南五里

東徐渡 在縣南二十五里

太陳渡 在縣南二十五里以上四渡俱汾水岸